

«ԱՅՍՕՐ ՈՒՆՏԻ ԵՆՔ ԵԿԵԼ ԵՎ ԱՄԵՆ ՏԱՐԻ ՊԻՏԻ ԳԱՆՔ»

Հոկտեմբերի 12-ին, Թարգմանչաց տոնի ուրախաբեր առիթով, Արարատյան Հայրապետական Թեմի Քրիստոնեական Դաստիարակության Կենտրոնի տնօրինությունը, կենտրոնի ֆառասուն ուսուցիչների և կիրակնօրյա դպրոցների ավարտական դասարանների շուրջ 70 սաների հետ, ուղևորվեցին դեպի Օշականի Սուրբ Մեսրոպ Մաշտոց եկեղեցի:

Գարեգին Ա Ամենայն Հայոց Կաթողիկոսը սրբազան այս տոնն անվանել է «Ժամադրություն Հայ գրի մեծ նվիրյալների հետ»՝ ավելացնելով, որ թարգմանությունը նվիրական քառ է հայերիս համար: Հայոց Հայրապետը նաև պատվիրել է ամեն տարի այս օրը ուխտի գնալ Թարգմանիչ Սուրբ Վարդապետի գերեզմանին: Եվ իսկապես, Սուրբ Մեսրոպ Մաշտոց եկեղեցին լի էր հավատացյալ հայորդի ուխտավորների հոծ բազմությամբ, քանզի այդ օրը Սուրբ Պատարագ մատուցվեց մեր Սուրբ Թարգմանիչների եիշատակին:

Պատարագին ներկա էին Արագածոտնի Թեմի առաջնորդ հոգեշնորհ Տ. Նավասարդ վարդապետ Կոնյանը, հոգեշնորհ Տ. Փառեն Ծ. վարդապետ Ավետիսյանը, Մայր Աթոռ Սուրբ Էջմիածնի միաբան հոգեշնորհ Տ. Բարկեն արեղա Սալբիյանը:

Օրվա պատարագից էր Սուրբ Էջմիածնի Հոգևոր Ճեմարանի տեսուչ հոգեշնորհ Տ. Հակակոն Ծ. վարդապետ Նաչարյանը, որ իր հոգեպարար քարոզի ընթացքում գրերի գլուխը հայոց դարձից հետո ամենակարևոր իրադարձությունը համարեց ու ավելացրեց, թե պատահական չէ, որ, ի տարբերություն հայերի, աշխարհի շատ ժողովուրդներ չեն եիշում իրենց գրերի ստեղծողների անուններն անգամ և, առավել ևս, չեն ոգեկոչում նրանց եիշատակները:

Կիրակնօրյա դպրոցների սաները Սուրբ Պատարագի ընթացքում հաղորդակից դարձան մեր Սուրբ նախնյաց եիշատակին, լսեցին հայր Հակակոնի հոգելից քարոզը, վայելեցին բարձրաստիճան հոգևորականների շնորհաբեր ներկայությունը, և համոզված ենք, որ հարստացան ու հասունացան՝ սրբազան այս արարողության մասնակիցը լինելով:

Սուրբ Պատարագի ավարտին նրանք, ուսուցիչների ուղեկցությամբ, խոնարհվեցին մեր հոգևոր Հոր՝ Սուրբ Վարդապետ Մաշտոցի շիրմին և ուխտեցին հավատարիմ ժառանգորդը լինել նրա կտակած նվիրական այդ հարստության:

Եկեղեցու բակում Քրիստոնեական Դաստիարակության Կենտրոնի տնօրեն պարոն Արշավիր Գաբուելյանը, իր շուրջը հավաքելով ուսուցիչներին ու սաներին, շնորհավորեց նրանց՝ ուսուցիչների այս տոնի և նոր ուսումնական տարվա կապակցությամբ, հանգամանորեն և մանրամասնորեն ներկայացրեց Թարգմանչաց խորհուրդը, քանզի նրանք, Սուրբ Գիրքը թարգմանելով, Աստծու սերը թարգմանեցին մեզ համար:

Նգրափակելով խոսքը, նա ասաց. «Այս տոնի հարթության վրա է բարձրանում ամեն Գագաթ հայոց պատմության մեջ, և այս տոնի հարթությունից ներքև է գահավիժում ամեն պարտություն և հիասթափություն»:

ԱՆԱՀԻՏ ՍԵԴՐԱԿՅԱՆ

Արարատյան Հայրապետական Թեմ